



天目先生集卷之三

吳興徐中行子與著

五言絕句

活水池

池分襄漢水
岼夾武陵花
但得高陽侶
寧須問習家

詠顧汝和舍人種桃

不言溫室樹
却種武陵花
豈是金門客
偷桃出漢家

題顧汝和石鼎寮

雲英烹石鼎月色照冰壺何必金莖露能令肺
病蘇

叩竹杖

仙人方竹杖遠道出臨叩挂壁風雲動還應欲
化龍

次劉明府宴二大叅松雲菴韻二首

樹古苔痕厚山秋黛色增穿雲鍾報客坐石鳥
窺僧

雙星天日來九月雲林宿禪房秋興多題詩徧
青竹

送陳明府之任慈谿

清秋臨鏡水明月過桐廬興發枚乘賦奇採禹
穴書

七言絕句

送元美

翩翩使節向蘇臺南望吳雲萬里開銀漢仙槎
來月下金陵秋色度江來

寄謝茂秦

王門賓客枚生老，鄴下交游季重存。
聞說擔簦來趙地，幾回虛左候夷門。

書萬都閩鹿園卷留闕方士處二首

時危意氣獨橫行，屢突重圍破海鯨。
夜擁鹿車明月裏，仍從支遁問無生。

曾揮羽扇掃胡沙，江左奇勳勝永嘉。
功遂不教麟閣畫，遺容却赴赤松家。

送宗子相還廣陵二首

黃金臺下白榆秋，葉落潭沱急暝流。
南望大江明月裏，片帆千里下揚州。

霜落江空楓葉彫，接天寒色廣陵潮。
清宵憶爾聽鴻處，明月揚州第幾橋。

燕臺感舊

北來鴻鴈已南飛，滿眼風塵舊侶非。
欲向月明歌郢曲，不禁霜露濕人衣。

和子相石牛驛聞笛見懷之作

醉時明月滿山城，別後秋雲萬里生。
獨夜高樓

自吹笛誰知淚濕楚臣纓

停舟溪上懷子相

夜闌星斗挂千峯吹笛江樓思萬重曲罷美人
猶不見空懸明月照芙蓉

登霹靂巖遲子相雷雨驟作

白日天開霹靂巖千山飛瀑挂松杉馮陵却喜
東風急吹盡浮雲見客帆

秋日建溪懷明卿二首

九江秋色滿漁舸江上芙蓉照客袍不分楚人

能放逐青山白日著離騷

倚棹秋風問幔亭滄江落日萬山青獨看廬嶽
雲千壘豈是狂生醉未醒

哭光祿汝所二首

十載會同洛下游惠連年少更風流諸兄縱有
池塘夢玉樹蕭蕭祇自愁

美人今已不同時開篋重看贈我詩若道江南
無舊好豈應天上有新知

爽臺送別朱生

湖門俠客馭風來十日狂歌醉爽臺歸去武夷
秋正好萬山明月片帆開

梁園送青州馮公督學浙江二首

文輶朝發孝王臺錦席秋臨南斗開齊雅向聞
吳季子泱泱今覩大風來

五花爲馬繡爲袍攬轡江南興轉豪滄海濤聲
迴坐嘯赤城霞色起揮毫

送子相還

妙高峰上試登臨月色潮聲盡古今辭客豈須

愁病肺中冷泉水更清心

送于鱗之邳州三首

趙地山河擁上京于今保障有長城停車襄子

宮前問猶說當年國士名

東平俠客有劉生寶劍千金舊署名忽道明朝
脫相贈夜深風雨匣中鳴

十年西省尚書郎此日新攜刺史章明月一尊
開北海春風千騎下東方

送許趙州兼訊李邳州

青春五馬下燕京自喜分符近
李生雙壁千秋重入趙共看明月照連城

送元美二首

高秋獨上白登臺西北浮雲晝不開
忽見千秋飛雪下驚傳漢使自天來

醉攜長劔倚高秋忽見黃河天外流
莫更臨風歌出塞九邊寒色不禁愁

同明卿惟敬登太白樓

醉攜仙客上雲梯睥睨煙霄萬象低
便欲乘風

登日觀蒼茫海色使人迷

送于鱗還郡

風塵幾日到燕關千里檐帷雨雪還
把酒郡齋秋色滿知君不厭太行山

吳門送周水部謫楚二首

客歲曾開薊北書知君秋興在鱸魚
銜恩却向湘沅去明月滄洲滿謫居

綠鬢仙郎白玉羈春風曾醉習家池
停車試聽襄陽曲半是當年水部詩

天目先生集 卷之三
俞郎中德甫使越時余在吳寄此懷之三
首

吹笛西湖明月高萬山秋色照綈袍向誇瀑布
三千丈何似錢塘八月濤

松溪麻水竝仙家月裏揚帆采石華把酒天台
定相憶因風遙寄赤城霞

三日華陽臥翠微醉攜一片白雲歸因風遠寄
同心客裁作山中隱士衣

感舊

自別燕臺白日徂華陽碣石總荒蕪獨留一片
西山月猶照當年舊酒壚

懷千鱗

黃河萬里接崑崙太華天開西極尊一自凌雲
來賦客未論紫氣滿關門

征南饒歌二首

誓師親上越王臺東望扶桑海色開鉦鼓三江
殷地起艤艫萬里躡天來

橫海樓船大出師青山千里列旌旗會稽擬作

燕然石震澤今爲飲馬池

送明卿出汝南城南三十里風雨驟至夜
飲村店同賦

城南白日起風雷狂客悲歌且未迴豈爲高秋
嗟遠道且將寒雨送深盃

蒼茫汝海鬪雷霆五馬中天此暫停已遣河山
留俠客誰教風雨妬文星

千鱗謝病濟南寄訊

白雲湖上萬山青日月茅堂醉復醒不是楊雄

躑寂寞千秋誰見太玄經

送張尙璽助甫左遷別駕四首

十年無信到山濤謫後相逢解佩刀從此青雲
知己盡平生白雪向誰操

洛陽誰似賈生賢議事承明獨少年最幸主恩
深漢帝左遷猶在五雲邊

邯鄲一騎走風塵誰信甘泉侍從臣倘過呂祠
何必問升沉俱是夢中人

攬纜漳河秋色開悲歌應上古叢臺若非按劍

長安客白壁何緣入趙來

寄答汝南諸明府

景夷臺上白雲秋
縣瓠城邊汝水流
却憶諸君明月夜
臨風清嘯滿南樓

寄贈侍御潘子良督學畿中二首

地雄燕趙舊多才
賢俊爭看日下來
剪拂盡堪成駿馬
黃金何用築高臺

蹀躞花驄走北平
鬱蔥佳氣傍神京
龍門復見三千士
虎旅曾監十二營

贈總制汝南喻公破胡鏡歌二首

驃騎乘秋出武威
經旬三見捷書飛
侍臣上壽歌朱鷺
諸將承恩拜錦衣

邊聲動地陣雲黃
萬騎憑陵蹴大荒
落日忽聞鏡吹入
轅門生致兩賢王

戲詠盆中品字蓮二首

花開品字競妖嬈
竝倚金塘舞翠翹
惆悵忽思三婦豔
風流不數六郎嬌

笑看菡萏出盆池
拉蒂三花宛宛垂
却似太真

初浴罷雙攜秦鏡鏡中窺

寄張亮卿林彥仲游明仲趙以忠四子

升堂門客總應劉托乘西園幾度游飛蓋祇今
明月夜芙蓉還似去年秋

懷于鱗

青天太華倚嶺岼白日黃河萬里看一自著書
西度後關門紫氣至今寒

出囊中古劔吳筆寄贈明卿系以口號二
首

十年寥落倚崆峒贈爾豐城起白虹醉後莫將
盧嶽舞恐令雙劔失雌雄

春雲夜直建章高曾向江淹贈彩毫縱臥山中
休擲筆清秋堪賦九江濤

懷明卿

萬仞匡廬散錦屏千尋瀑布挂青冥自從騎鹿
雲中去何處逢人問歲星

寄在明

一自悲歌易水旁故人風雨散瀟湘從今莫灑

千秋淚只恐重飛六月霜

寄齊相許殿卿時干鱗病免濟上

投荒猶得賜環恩授簡王門道亦尊更值相如初病免論文數過茂陵園

送丁叅軍之楚幕二首

幕府高臨七澤開叅軍爭喜孟嘉來時清久罷征蠻檄秋至重登落帽臺

武昌楊柳颯高秋楚練如霜映上游聞道庾公今在鎮好乘明月嘯南樓

奉和黃公金溪詠四首

芙蓉峰

霞標秀出海雲重空曲煙浮翡翠濃最愛金溪秋月夜天開明鏡浸芙蓉

文筆峰

秀拔瓊林迴不羣千尋霜穎插青雲午風吹破江淹夢散作雲霞五色文

錦屏峰

蹙沓匡廬九疊屏天風吹度九江青朝來忽挂

飛霞色却似羣仙會幔亭

曲溪

曲曲清流隱竹林
逶迤更比武陵深
春來岸岸花相似
縱有漁郎何處尋

贈蘇進士歌者新春

春雲輕度鬱輪袍
雪淨花宮玉樹高
更道掌中能妙舞
曾經醉殺五陵豪

華陽明月曲二首

玄都仙露湛金莖
琪樹千章散月明
無限采雲

寒不度樓前吹落洞簫聲

笑呼明月下高峯
秋滿瓊樓十二重
咫尺太清殊可問
茅君爲我借飛龍

送吳明卿

天外音書久不聞
眼前朋好又離羣
今宵斗酒還燕市
明日孤帆是楚雲

奉懷灌甫公子

罷歸已謝潁川金
寥落空餘國士心
當世憐才知不少
窮交誰似信陵深

廣陵史德初訪余山中

漂零誰識史王孫
曾散千金報主恩
此日到余茗水上
白雲秋色可堪論

崑山周胤昌自金華郡丞進守故治賦寄

此詩

十年飄泊鬢俱蒼
帶眼頻移似沈郎
詞客有緣山水郡
專城猶得臥東陽

挽中丞王公三首

三握兵符漢重臣
蒼茫無復畫麒麟
風雷不見

將軍樹愁殺延陵挂劍人

烽火甘泉獨請纓
君王親問亞夫名
榆關自失

單于壘一夜霜彫細柳營

頻年力盡戍桑乾
帷幄紛紜日轉難
一自縞衣過易水
瀟湘風色至今寒

送司馬蔡公赴京四首

漢家閭闔倚天開
劍履乘秋入上台
托乘諸侯千騎出
前驅中岳萬靈來

萬騎憑陵走朔風
千旗肅穆建章宮
寄聲胡馬

休南向頗牧于今在禁中
樓船天上出黃河南指燕山氣色多漢月九關
飛羽檄卿雲三殿進饒歌
十八終軍誓請纓蹉跎華髮入承明誇胡已著
長楊賦衛漢重開細柳營

寄黎惟敬二首

六月維揚亂後過故人雙淚滿干戈一從歸臥
羊城月海上浮雲奈爾何

高秋期爾石頭城貫酒吳姬賦月明不道我來
君已去滿江風雨送濤聲

包護軍中丞汪公幕下十嘗受詩于明卿
余贈之于宜城四首

孤臣歲晚發江潭客有長纓且駐驂寥落怪君
經瘳在當年曾事杜征南

歲闌雨雪峴山西盃酒孤城日漸低此日袁生
休弄笛故人猶在武陵溪

時明卿
在高州

頻年瘴癘滯炎州裘馬蕭然客鬢秋聞說同時
諸校尉雲臺次第拜通侯

紛紜屠販盡麒麟力盡戎旃未致身但遇吾曹
官自拙始知詞賦善窮人

楊林驛遇賈孝廉出長興顧中丞大字西
蜀楊用修詩札留贈二絕

遙聞高士臥青冥落日軒車爲爾停曾是楊雄
門下客白頭仍守太玄經

楊雲奇字虎頭書前輩風流總未如徼外復從
遺老見斐然雙壁照行車

九月六日穆水部邀登蕪湖吉祥寺

上方樓閣倚江開萬里帆檣破浪來正擬青山
留對酒况逢黃菊好登臺

張生從梁舍人游嶺南橋李舟中和贈三

首

相逢秋色滿江湖攜手羅浮興不孤試問舍人
春殿柳還如張緒少年無

翩翩裘馬壯遊心畫手仍高子墨林但得向平
尋五岳寧論陸賈贈千金

海中樓閣盡仙家明月遙隨使者槎若道炎方

無過鴈好從庾嶺寄梅花

橋李遇梁思伯夜飲舟中

相逢盃酒大江隈十載愁心一夕開垂老更知
何地合雙帆將發重徘徊

延平王良材以畫梅見遺賦贈

夢回仙佩尚珊珊一片羅浮匹練間怪爾毫端
清似水茅齋近傍玉華山

送謝公子往豫章

千山煙雨暗吳關春水連天一棹寒便欲乘風

從爾去笑攜尊酒看廬山

寄答匡南王孫

尺素平輿十二秋風煙轉覺小山幽相看此夜
同明月飛蓋誰堪鄴下游

中丞劉公平海寇短歌

戈船萬里出王師大海今成飲馬池露布正當
稱壽日饒歌併上萬年卮

歲除得宋大叅書却寄

青春白髮共相催客裏何人共舉盃海上碧雲

看欲盡相思聊寄一枝梅

哭醉石山人朱邦憲四絕句

如竟不收素封聊作醉鄉侯如何天上
名姓一夕徵君記玉樓

誓將七尺報相知一諾南山坐可移不信但看
墳上草青青長自傍要離

平生酒伴是高陽度曲猶能繞畫梁解道諸兒
分一絕不知第幾得君狂

越女曾題黃絹碑吳姬爭唱竹枝詞曲中自失

周郎顧挾瑟江南好向誰

送馬公子用昭赴試北畿并示國博歐楨

伯太學郭建初

登樓曾向斗牛看劔浦精靈白日寒自爾分櫺
獻明主氤氳紫氣滿長安

名駒本自渥洼來一顧旋空萬里材此去天閑
應竝入郭生今已上金臺

建陽新酒瀉春濤過飲夷門意氣豪共道五陵
冠蓋滿還從燕市問荆高

席上送夏將軍專闡廣右

詞場蚤冠楚諸生較射長揚更有名推轂將軍
天上出據鞍露布手中成

瞳子分明白起風驍騰誰似美髯公虎頭自是
封侯相抵掌爭看萬里功

金馬當年擁傳過看君千騎下牂牁樓船一出
閩天淨更遣長纓繫尉陀

銅標遙望嶺雲長上將承恩出帝鄉試問登壇
三楚士兼才誰似杜當陽

李文仲自山陰來視余閩中將爲五岳之

游席上賦贈

到處雲霞解送迎知君原是大湖精試看九曲
溪中渡何似山陰道上行

別余遙逐向平游不盡名山興未休避暑寒生
飛瀑布乘風秋度岳陽樓

寄答吳允兆見懷四首

錦字翩翩到七閩朱絃白雪一時新論才爭道
中原盡誰信菰葦更有人

王郎故有外家風曾向髫年識孔融總是西州
門下士一時文彩照江東

散帶青山絕世情閉門玄草讓先成饒他驃騎
雲臺盡自愛何郎第五名

滅刺經年不易逢驅車一日暮登龍臨書莫怪
中郎歎眼底何人似顧雍

謝王孫貞吉以銅章五岳圖見遺二首

公子翩翩俠丈夫可因晉鄙奪兵符開絨飛出
煙霞色紫綺囊盛五岳圖

金鑿商家欵識文人間奇事總輸君他年佩入
深山去天目峯頭印白雲

贈郭建初南還二首

聖代編摩秘閣開幾人載筆上蘭臺看君六館
諸生裏獨有西京良史才

懷璧仍爲衣褐行關門小吏莫相輕他年一入
圭璋選依舊償君十五城

六言詩

宜城贈包護軍

自敘信陵國士曾事田光先生擊劔兼工長短
讀書獨喜縱橫千金結客垂盡百戰封侯未成
羽獵休誇雲夢商歌且醉宜城

再贈包護軍二首

海外爭誇超距行間獨自浮沉肝膽皎如白日
功名羞問黃金

說劔雄風忽起銜盃俠氣逾振賭命聊憑一擲
學敵寧止萬人

壽憲副陳憲卿年兄七秩二首

萬里笑捐侯印三朝喜遂閒身濯纓滄浪漁父
抱甕漢陰丈人白首玄經已就青雲玉樹方新
望氣遙瞻汝穎德星正聚荀陳

聖主寧忘息壤達人自喜歸田雲夢已吞八九
宜城何論十千宋玉雄風滿座莫愁緩舞當筵
况是南陽耆老長歌天保萬年

天目先生集卷之三終

天目先生集卷之四

吳興徐中行子與著

五言律詩

人日同謝茂秦李于鱗梁公實正元美集
宗子相宅

淑氣動初旬階萸七葉新天涯星是客歲首日
爲人白雪慙同調青尊喜共論莫辭歡達曙明
日又風塵

十四夜同茂秦于鱗公實子相元美集靈

濟宮

爲淹清夜賞同過赤松家天外金莖直風前火
樹斜詞華垂列宿仙醴出流霞太乙明霄祀齋
居隱翠華

三日同茂秦順甫元美游姚園分韻

春疑溱洧地人似求和年往事名賢得清狂我
輩偏水邊尊竝綠竹下語同玄此日王夷甫寧
將樂令傳

送吳隆吉郡丞赴廣州

北闕趨南海官塗兩月程行春叅虎節訪道入
羊城山近枕榔合庭空翡翠明隱之泉尚在藉
爾嗣芳聲

南溪放舟

晚山青似越春酒綠如澗中聖還徐邈登仙愧
李膺高歌傳上國爽氣度西陵却憶耶溪上蓮
舟月裏乘

苦雨

幾年烽火急三伏鬱重陰日夜疑天漏樓臺訝

陸沉未能超苦海空欲賦愁霖窮巷何人在冷
然金石音

送郭侍御左遷永安令二首

何意乘驄客蒼茫出禁廬名高折檻後恩重賜
環餘白日少公事青山把道書從來幔亭上時
有謫仙居

心秋予更劇謫宦爾何之赤縣須君輩蒼生異
時主恩無遠近國事有安危惆悵延平路

裁古劍詩

席上贈別吳明卿同諸子賦得心字

新知爭受簡舊侶奈抽簪自古騷人賦于今國
士心仙舟江月上客夢楚雲深搖落秋相憶中
宵鴻鴈音

春日同順甫元美游姚園

落魄憐吾黨流光憶去年狂歌消白日醉眼望
青天詞賦非時好漁樵自舊緣試看芸閣吏何
似竹林眠

春夜席上懷茂秦同于鱗子相公實元美

賦二首

彌侶當春夜懷君鬱未開談天鄒衍去蹈海魯
連回把袂頻燕市傳書斷雀臺西園明月在應
憶建安才

共羨小山隱寧知大雅存春雲開太室夜月賦
西園仙署人同憶王門客自尊乾坤吾輩在朝
野未須論

過顧汝和所遲黎惟敬不至得寒字

朝市幾人在風塵一晤難郢歌逢客少燕月到

春寒露氣高金掌花陰轉王盤不知清漏盡猶
向碧雲看

祀陵二首

風雨從西極河山自北辰林喧萬馬夕花暗七
陵春慘淡弓刀泣趨陪劍履新文園卽此地誰
復漢詞臣

展祀逢寒食登臨起莫愁陰霾屯虎豹春雨濕
松楸燭影千官靜泉聲萬壑幽行宮雲縹緲應
爲翠華留

章行人景南署中送謝山人

閒署生寒早騷人入夜過砧聲風處急客思雨中多別曲歌楊柳初衣製薜蘿明宵如見月相望隔漳河

送惲僉憲光世之楚

開府今羊祜浮相自馬遷山陵通王氣江漢接人煙月滿沱潛渚花明雲夢田蘭臺千載賦郢調幾時傳

于鱗元美同日發偕吳宗二生送之分賦

萬里知難駐千秋豈更親劍分留紫氣杯盡失青春三署傾詩客中原散酒人勿令歌變徵風雨易傷神

吳給事謫豫章四首

乾坤震蕩後雨雪豫章行與世安徽綠投荒就大名青山飛瀑色白日走江聲若過柴桑里堪從漉酒生

此日何天問當年已陸沉罪寧懷白璧權合讓黃金縱改滄桑色難摧海嶽心湘纍靈尚在千

載見知音

淮陽漢揖客澤畔楚詞臣霄漢寧容汝江湖且
寄身寒濤千里雪落日九江春試掃匡廬石青
天賦隱淪

綠髮三湘客青楓八月濤未須傷積羽總不廢
持螯把劍星文動攤書嶽色高非君能放逐不
復見離騷

臥病簡于鱗明卿二首

伏枕余偏穩攤書日漸多浮生閒處得薄宦病
中過引領懷優詔論心阻嘯歌題詩問朋好秋
色近如何

交游歸欲盡滄海意仍違豈羨鱸魚膾長懷薜
荔衣人應嗤宦拙我已貴知希起看西山雪悠
然憶翠微

問子相疾

燕臺秋色滿越客思何勝予欲歸滄海君方臥
茂陵恩違金掌露賦憶玉壺冰擬共西山賞還
憐病未能

故國同千里新愁總一毛豈緣微祿累應爲太
玄勞雲月清瑤瑟風塵暗寶刀知君有起色堪
賦廣陵濤

秋日二首

迢遞懷親舍棲遲念此身百年當自得孤憤竟
誰陳白首存知己黃金閱世人扁舟定早晚湖
上一垂綸

風霜物候改歲月客心驚高臥仍違俗深藏轉
畏名滄洲連夕夢白髮迫秋生不是同懷者誰

憐留滯情

哀商中丞

將相未交驩烽煙漫築壇至今憂左衽何遽失
南冠雨泣蒼梧晚風吹易水寒惟餘龍劍氣長
向嶽中看

同吳明卿集楊園得文字

竹深留避暑亭僻坐論文帆落黃河雨尊開太
嶽雲客情泉石遠野色薜蘿分日夕狂歌歇蟬
聲萬樹春

同明卿飲胡司農山亭

仙署藏丘壑，空亭挂薜蘿。
捲簾松露滴，岸幘竹風多。
河朔他時酒，高唐此日歌。
還同漆園吏，芳樹倚婆娑。

贈壺關李山人二首

箕穎逢高士，山川未寂寥。
參河流迴上，黨秋色近中。
條綠綺，幽蘭操青尊。
叢桂招更聞，秦女在雲外。
坐吹簫。

何處堪高臥，秋雲萬壑中。
初衣栽薜荔，古榻覆梧桐。
招隱淮南子，懷仙河上公。
冥鴻宿昔意，寧復世人同。

初出京邑寄子相

招提賦別日，駟馬竝躊躇。
回首山河坼，驚心日月孤。
片帆開雨雪，雙淚滿江湖。
爾縱過燕市，從誰問酒徒。

子相出補闈藩寄此二首

朋知行已盡，孤尚轉難安。
幸爾辭羅網，翻成縱羽翰。
振衣秋色遠，挂席海天寬。
九曲飛流處，從

君載酒看

意氣原吾黨浮沉暫爾曹向來愁側目此去任
持螯列戟青山色登臺大海濤酒酣聊北望碣
石渺鴻毛

力疾訪余仲蔚夜酌

滄海交初定清尊病不辭烽煙誰下榻天地此
論詩解帶南風入開簾北斗垂向來五嶽意今
與向平期

廛陶邑會于鱗

高齋淹下榻雨色暗荒城濁酒千秋事綈袍一
日情側身看世態握手失時名從此三江上悠
悠好濯纓

寄子相時于鱗游秦元美按晉明卿謫楚
歲晏華陽館冰霜見苦顏索居冠蓋裏避世網
羅間楚曲愁難和燕歌去未還當年斗閭色中
夜照西山

郭黎梁三生再過客邸

白社踈任客青門雨雪天邀歡忘歲晚得句覺

春偏別易成今古文難論後先高陽卽此地莫
問酒壚邊

得守汀州報

頃已甘三黜何緣慰一麾俸餘堪貫酒郡僻未
妨詩秘壑藏瑤草空庭實荔枝淮陽吾豈薄况
有幔亭期

汀州稱小郡幽曠似中林不廢春秋癖逾增丘
壑心褰帷青嶂合臥閣白雲深回首章臺路衣
冠總陸沉

入桐江二首

煙嵐行欲盡大地豁然開江湧青山出濤驅明
月來瀨聲喧倚枕樹影落行杯忽自聞漁笛寒
星莽釣臺

奔流千折下峭壁兩崖分樵徑衝江雨漁舟宿
嶺雲布帆林杪見水碓月中聞獨有披裘客千
秋不可羣

順昌舟行

遠放扁舟去青山亦自隨林光搖翡翠水色呼

玻璃歌枕雲霞入推蓬薜荔垂不妨灘石險安
穩有篙師

出守後寄舊游

白雪吾何有青雲向未爭祇銜國士意遂被黨
人名星斗紛搖落山川亦震驚因思河朔飲一
語未堪輕

過桃源舖

日日空山路褰帷無限秋千崖青欲滴萬瀑雪
爭流絕壑逼雲磴縣厓倚石樓桃源如此地采

月弄漁舟

征廣寇凱還軍中作二首

亦自焚舟出寧知奏凱還揮戈迴白日列幟蔽
青山滄海須臾淨黃金次第頒歸來醉相顧戰
血滿刀環

雨雪千旗卷風煙萬弩齊令嚴愁虎豹陣黑走
虹霓勢若從天下強堪壓隴西笑看三尺劍何
用一丸泥

別子相入覲劍浦舟中作

把袂賦河梁揚舲大海旁雙龍尚南斗五馬又
東方爲客年華盡懷人涕淚長章臺春縱好誰
爲薦長楊

和顏觀察七夕作

牛女邀懽夕羊何竝賦詩鵲橋雲外度鷁舫月
中移河影沉榆樹星華落桂枝自憐一水隔無
處寄相思

山居得明卿再謫報

去國猶三黜懷沙更九歌賜環知爾在按劍奈
人何朋舊飄零盡年華弟淚過倘憐愁病者一
爲訪煙蘿

壬戌除夕對雪邀郭次甫同賦而余病忽
作次甫遂去元日投詩見懷奉答并訂後
會云

燕市逢春雪梁園憶惠連南州原下榻剡水竟
迴船詩草懷同病梅花照獨眠還期攀玉樹共
賦郢中篇

將赴汝南留別李伯承黎惟敬顧汝和汝

所楊邦彥進士郭次甫山人得臺字

薊門芳草徧惜別更登臺河嶽天中路衣冠鄴
下才白雲停攬轡黃鳥送行杯况是銷魂處燕
歌且莫催

郭次甫顧汝和兄弟攜酒常寺園亭叙別

三首

偶攜梁苑客同訪給園春鳥下窺征蓋僧來問
故人驚心楊柳亂刺眼杏花新盤石青谿上曾
經把釣綸

華髮重游日青春欲別時池明鷗鷺浴亭古薜
蘿垂試暖衣初換尋芳席更移蒼苔片石在猶
見昔年詩

聽法曾蕭寺投簪復漢關花驚新白髮酒憶舊
青山萬態胡僧老孤亭野鶴閒獨憐河曲侶雲
散幾時還

衛河留別盛少尹

不斷風沙色扁舟且未迴送余臨汝水念爾滯
燕臺把臂春陰合開尊莫雨來慚非孔北海誰

薦孝章才

別明卿後淮揚水漲維舟金山登望寄憶
萬仞黃河水飛流下呂梁風波一失所南北總
迷方濯足星辰上維舟日月傍金山一柱在遲
爾閣滄桑
旦暮只冥冥蓬萊接洞庭陸沉霾日月天圻闕
雷霆風雨驕仍急蛟龍怒未醒忽令河漢沒猶
得望雙星

寄陸才公

惠連情不淺南國竝琅玕神劍中原圻明珠大
海寒烽煙萬里隔生死一書難縱有羊何賦知
君不忍看

寄陸無從

廣陵人已沒絕調爾能傳氣壓觀濤賦名高入
洛年投珠滄海曲擁褐大江邊倘憶山陰客還
乘雪夜船

到郡得雨輿中作

撤蓋齋心後褰裳問疾初偶同星入部敢謂雨

隨車雲起黃塵裏波生赤地餘笑迎諸父老沾
濕滿衣裾

汝寧郡署坐嘯亭讀書作

徑僻青蘿合亭空白日長癖難忘左氏狂頗似
東方身漸風塵老名差案牘強平生喜坐嘯不
是學南陽

蚤發碓山懷錢子才張德華諸君子

攬表乘夜起征蓋帶星歸泱泱煙平野蒼涼日
上衣雲開山漸吐露滴鳥初飛却憶滄洲侶高

眠書掩扉

暮發滁陽

荒城一騎出落日萬峰西澗水流人影松陰散
馬蹄懸崖青欲滴芳草綠堪迷洵美非吾工翻
然憶故溪

罷郡喜歸五首

膺隼辭鞫日魚龍脫網時人應嗟放逐余自戴
恩私萬事莊生夢千秋楚客詞倘能齊物理翻
怪罷官遲

故人俱蹈海孤客竟歸田碩果久知盡垂六灰寧
復然掩關天日雨把釣五湖煙慎惜雙螯劍休
教犯斗邊

臥閣身仍病抽簪氣始豪雄飛吾不忝鏃翮爾
徒勞揮翰千秋失開尊五嶽高此時嵇叔夜真
自感山濤

頃已厭承明今歸遂耦耕鴻冥幽客意徂喜衆
人情簿領工何補文章老未成拂衣從此去日
月任縱橫

十載思丘壑今朝得杖藜挂冠嵩嶽頂鼓枻五
湖西芳草春將徧桃花路不迷吳興清遠地不
讓武陵谿

歸過吳門會元美敬美仲蔚孔嘉淳父公
瑕魯望叔載幼于載酒舟中四首

青門纔解組白社便投簪竹帛功名薄江湖意
氣深浮雲停坐嘯秋水照披襟何似執珪者空
勞越客吟

歲月空招隱乾坤此定居裁衣新薜荔結伴舊

樵漁節俠要離傳風流逸少書高秋倘乘興莫
惜醉吾廬

同心稱二季俠氣滿三吳總馬窮愁客重攜舊
酒徒時名從逐鹿生計且呼盧不學鴟夷子功
成泛五湖

丘壑久成癖衣冠轉不堪罷官辭不下賦客滿
江南朱紱誰亡恙青山且縱酣詎同哀郢者憔
悴向江潭

臥病錢子良李德華顧幼禮過問枕上口

古二首謝之

慙向文園臥頻勞二仲過清尊愁總廢白髮病
逾多秋事過黃菊雲陰淨碧蘿忽思豪俠地擊
筑向誰歌

自失青雲侶相思白日寒幸逢吾黨士猶似酒
人看多病慚鬢髮窮愁惜羽翰空餘流水曲何
日共君彈

舊有火魚寄養于德華齋中歸後見還繁
行數倍色態異常喜而賦謝

斗水君如惜羣生得至今未鱗射赤日火鬣走
黃金雷電時寧測江湖歲自深隣居無惠子誰
解漆園心

天目先生集卷之四終

天目先生集卷之五

吳興徐中行子與 著

五言律詩

汝南罷歸山中

作是歲春仲汝南西平縣
產麒麟干農家被杖死

官聯下鳳郡身退獲麟年夕稅汝南騎朝耕箬
下田溪深藏日月地僻謝風煙閉戶還何事焚
香草太玄

間居

干時羞白髮招隱愜青山久負冥鴻意非緣卷

鳥還挂冠全傲骨戲彩樹慈顏詎似侯嬴輩
栖老抱關

山房讀書作

任俠黃金盡文章白髮侵仕非無寸祿老自惜
分陰萬卷成高臥千秋見苦心寄言鍾鼎客且
莫笑山林

蘇君楫過飲青蘿館中席上賦此二首

秋已過籬菊人誰到薜蘿倒衣逢上客把酒卽
高歌狂態窮逾甚新詩病轉多始知寡廓士不

厭住巖阿

碣石歸來後談天爾亦雄短衣方射虎長劍忽
流虹杯酒交非晚時名論欲空當年燕市月今
夜照梧桐

臥病山中遇金陵趙君烹菊飲余賦此遺
之

茂陵消渴後經歲隔金莖忽遇長桑客能食落
菊英香烹石鼎細寒泛玉壺清始信靈均賦超
然貽世情

張子嘉過訪山中

四壁相如在扁舟張翰來愁深詩總廢客至酒
還開竹色清書幌桐陰覆石臺登高應有賦蕭
瑟正悲哉

病甚復起簡王元美兄弟暨俞仲蔚并申
修楔之約六首

夢破釣天後心蘇岱岳初飛騰新日月偃息舊
邊廬向苦聲名累今知色相虛無生如可學寧
復厭樵漁

去國千秋事傷春一病人青山幾送老丹竈幸
全身黥淡辭山鬼清虛養谷神垂堂昔有戒感
歎欲書紳

未死真天幸同生半陸沉世情回首盡物理折
肱深屐遠青山色琴間白雪心掩關無一事祇
自憶知音

自擬孤生竹誰憐半死桐間居成偃蹇高臥任
鴻濛病劇名逾薄途窮賦較工卽看雙膝健從
爾陟華嵩

自分山林老那禁瘴癘侵百年重起骨萬事已
灰心日月烏程酒雲霞綠綺琴吳歌君更好一
醉五湖陰

江山投老地風雨妬花天藥裹題將半藜床坐
欲穿青春杯久負白髮鏡相憐力疾還脩楔誰
能讓昔賢

贈別鄭山人

不辭三顧數仍向五湖來孤棹風濤湧清尊雨
雪開山川成我病詞賦見君才爲說中原侶乾

坤更可哀

奉荅李于鱗二首

軒冕終違性滄洲自夙心病原宜偃蹇老益厭
浮沉削跡天逾遠懷賢日轉深蓬蒿三徑裏高
駕幾時尋

閉戶春將暮開書病欲瘳片言誰可就吾黨自
相求海嶽窮何礙文章老未休何時載尊酒重
上李膺舟

荅周真陽

半年三遣使茂宰念何深敝帚文章事綈袍故
舊心世情原變幻吾道豈浮沉一任嘲玄草桓
譚自賞音

荅明卿二首

燕市驚重見悲歌白日陰乾坤名轉大烽火病
逾深萬事猶存舌千秋未圻心豈應吾黨外別
自有知音

旅館銜杯日詞場問鼎年昔游曾後乘一別竟
先鞭身豈風塵失盟應海岳縣當時有長劍依

舊倚胡天

燕山除夕

舊游曾此地除夕况堪悲棄置天難問文章老
自知中原纔一遇吾道竟羣疑正有山陽感誰
教玉筴吹

汝南解郡入京餘載錦衣園亭獻春吳郡
武嘗過此得東字

傳書二室後把袂五陵東不問官何拙翻奇賦
轉工空亭原却暑喬木自生風却憶懷沙客燕

歌恨未同

同袁魯望文壽承飲顧汝和雪舫得涼字
雪舫塵俱絕冰盤夏轉涼樹交連理密花送合
歡香寒落新知少參差故態狂河山寧復問且
醉酒人傍

夏日同魯望楨伯汝伯和汝所道楨集國
博文壽承齋得涼字

賓筵是河朔酒伴復高陽水色侵紈扇雲陰度
羽觴甘盤秋欲動槐市干逾涼落日催歸騎蠅

聲滿建章

立秋日重過魯望客舍得車字

雨後過燕市秋先到客居驚心一葉下搔首二
毛初綠酒寧辭數青雲已自踈如何漢方朔猶
復待公車

卽事志喜寄王元美兄弟

向欲俱浮海今堪獨戴天據關無虎豹閱世有
桑田三尺寧阿貴千金不駐年應思鬻人日曾
是避豪賢

秋日署中二首

下車無一事臥閣但經時故態持螯見何曹問
馬知海雲深坐嘯秋色滿題詩安得淮南侶同
扳青桂枝

有地容高枕無才愧抱關秋風吹渤海客夢滿
青山垂老身何往浮生計總閑尊鱸今正好不
及季鷹還

初度感懷

客裏坐虛度山中願已違江湖鄉夢遠風雨宦
情微衰髮驅塵事浮名負薜衣平生多酒過不
敢謂知非

明卿守邵武五年不調忽有左遷賦此憫
之三首

頗恠除書晚翻歸謫籍中龍淵誰爲賞魚服竟
相蒙引晦人猶忌逢時路轉窮沉冥本自意宦
術總難工

客屢驚投杼官猶共典籤一嫌叔夜傲誰問伯
夷廉秣苑何竒進塵塗合九淹夔龍與屈宋今

古幾人兼

聖主方前席孤臣復左遷疑生不調後妬自入
朝年白雪終歸楚黃金莫問燕山堂舊時榻蚤
已爲君縣

贈四明董生善古篆隸印章

系出廣川後書探禹穴中字鑄堪泣鬼斤運忽
成風繁露原家學雕蟲總國工問竒空爾意予
豈似楊雄

與元美方舟北上四首

昔游非不數此遇更相親千里俱秋色扁舟但
故人時時狂態出夜夜月華新何似平原客過
逢僅一旬

擊楫將安適方舟且滯淫千山窺染翰片月照
披襟衰髮羞連壁窮交喜斷金試看車馬地何
物抵知音

長河雙繫纜落日萬垂楊白髮諳予病清尊益
爾狂棹鞦欣再遇旗鼓敢相當坐覺雙鉤色縱
橫北斗傍

不盡同舟興居然御李心
仙才曾不異酒態向
予深月送秋濤色雲生大海陰
乞休君倘遂吾
意亦抽簪

過慎侍御子正山亭

一丘藏野興萬竹闕秋陰
不入逃虛境安知出世心
開尊芳杜滿高枕白雲深
除却求羊輩蓬蒿未易尋

挽太保劉文安公

更生推諫疏公榦擅詞雄
一旦遺書出千秋汗

簡同河山猶晉問郊廟自唐風
復有懷君處翩翩禪草工

客舍秋懷

昔賢何落落而我尚棲棲
老大羞牛後支離笑馬蹄
軒裳徒自苦杯酒定誰攜
秋至仍多病那能待執圭

寄題灌息軒

滄洲原少事白日自深居
夢破蘧廬後春迴抱甕餘
江雲窺隱几山鳥過緡書
除却草玄外焚

香只晏如

送御史大夫王公歸蜀二首

羣公俱請老國事好誰憑豈不高賢達其如失
股肱白雲開劍閣春水映嘉陵暫息扶搖羽蒲
輪會早徵

蜀道八千里斯人可易逢留侯方辟穀公奭又
明農名世非衰鳳清時可臥龍峨眉山月好矯
首最高峰

燕黃鶴樓賦得禰衡二首贈吳生虎臣

每懷鸚鵡賦千古氣難平江漲洲長沒春來草
不生時才驚跋扈酒態苦縱橫餘子中原在誰
堪吊禰衡

俠客千秋至浮雲一日開氣如吞夢澤風忽起
蘭臺大別爲詩案長江作酒杯笑呼禰豎子狂
簡未知裁

初入滇關二首

蒼然平楚望云是古滇疆白日開南徼青天豁
大荒河山猶內地花木自殊方吹盡浮雲色雄

風萬里長

一出夜郎道纔看曉日生風聲連海壯地勢入
滇平氣色開金馬煙花蒲石城寄言張博望此
去可橫行

關山嶺二首

索嶺看如此黔中路可知石梁凌壑險天塹入
雲危推輓車垂敝驅馳馬漸疲騎衡昔有戒叱
御爾何爲

服車曾九折縮轂更千盤已自空皮膚從誰借
羽翰溪愁爲站熱泉喜馬跑寒試問今朝路何
如蜀道難

盤江雨霽

亂雲飛索嶺片雨散盤江天擁金城百星搖寶
劍雙山橫青玉案水漾碧油幢喻蜀高文在雄
心未可降

分水嶺遇雨

寒帷分水嶺雨色晝冥冥馬飲溪流碧煙浮樹
杪青深林迷棧道絕壁隱旗亭莫弄表生笛羈

人未可聽

集武昌分司園亭同吳明卿余自分司遷

滇藩二首

南征一隔歲花木遂成林池亂芙蓉影庭交薜
荔陰暮雲停授簡秋水淨披襟不是蒙莊子安
知傲吏心

從他沉案牘那可廢登臨垂釣猶濠上爲園卽
漢陰會心逾曠遠成趣轉幽深此日尊前賦寧
同澤畔吟

將赴閩淮陽陳太守王叔邀餞江上留別

春雲停漢節曉色渡淮鐘濤賦高枚叟玄談狎
仲容星槎落牛斗雪唱起魚龍招隱心猶在青
青桂樹重

餞賓州太守葉化甫還羅浮同顧季狂郭

建初分韻得花字

以一尊酒停君萬里槎仙才推白雪歸計豈
丹砂海國星初聚山城日欲斜羅浮殊只尺莫
不寄梅花

萬曆改元中行詣濟南祭于鱗墓學憲袁
魯望出餞于郊大計魯望被論留中而魯
望竟挂冠還里踰月計聞閩中哭之六首
哭罷濟南墓逢君一解頤寧知挂劍處仍是絕
絃時日月空詞苑河山邈酒卮故交行欲盡何
自寄相思

不怪流言枉翻嫌脫冕遲遠臣宜色舉 聖主
自心知白日縣孤塚千秋定一辭從來節俠士
死不受人疑

塵世終難料青山且放歌千秋堪自見一第定
誰多缺陷從天地生涯付薜蘿客嘲何用解慍
藉有羊何

試問佯狂者何如張長公計寧金注拙才向陸
沉雄枉殺屠龍技翻同失馬翁匣中孤劍在依
舊倚崆峒

哭于鱗墓甫三載謝茂秦死于趙而諸子
生計甚微乃出橐中裝遺之

濟南泣不盡那更爲君揮交豈浮雲變書綠萬

里稀游燕辭賦定客趙子孫微大有聊城感翻
如丁令威

歐廣文楨伯方奉常允治李京兆于美寄

懷賦荅

狂歌故所見寧足抵君醪無乃懷人久因之發
興英雄心燕巾酒寒色廣陵濤何必山陰道千
山夜雪高

右楨伯

自忝違羣顧深知曠世懷豈緣下里曲能破太

常齋一聚星臨穎相思月映淮誰言投壁晚古
道世難諧

右允治

曾共南樓嘯風流久不忘忽聞廢白雪還似對
滄浪莊叟吏情傲嚴陵客態狂定知相見日一
醉酒人旁

右于美

春日過觀察劉仲脩園話舊見其從子進
士恩徵

天目先生集 卷之五
章臺春走馬同看出江花一別年俱晚相留日
已斜詩傳公幹草園種邵平瓜玉樹何璀璨風
流本謝家

王亮卿汪惟一過集李德華雪月樓余有
別阻不與賦此

何意軒車過翻違賦別筵登樓俱有作下榻獨
無緣脉脉雪仍在依依月故圓誰知興未盡愁
殺子猷船

祭于鱗墓六首

展墓忽今日登樓異昔時二春宿草積萬里素
車遲古調鐘期盡窮交鮑叔知肩摩與轂擊空
自隘臨淄

詞賦千秋壯山河一日空悲歌紛泣雨俠氣忽
成虹南國走徐穉中原失孔融文星何處所長
傍素王宮

再過西州路關河倍黯然碣齊華不注樹暎汶
陽田有道寧長夜無涯自大年忽驚雷雨過千
騎泰山顛

當年未種櫬此地數班荆轉盼成今古論交到
死生門人悲負土閨婦哭崩城獨有昆明客猶
慙范巨卿

露積新蒿里風流舊竹林文章身後事巖穴向
來心千古堪陵勁孤生竟陸沈此時承睫淚寧
俟雍門琴

嶽降關人代神游傍帝居祇今埋王地仍是泣
麟墟萬里滇南夢三年歷下書一哀風雨至駟
馬重踟躇

懷滇南戴王二明府兼挽段君

相違成曠世何自樹離居飛動百年意艱難萬
里書楊林煙黯淡龍洞雨何如况有山陽感恩
君淚滿裾

歐楨伯邀黎惟敬方允治李于美及余集
僧舍得文字

不識招提境言從鄭廣文青氈寒映雪彩筆氣
凌雲凍合春猶淺談深夜欲分故交寥落盡何
意得諸君

清朗閣爲歐子耕賦

小閣傍高丘平臨大海流濤飛千丈雪榆白萬
山秋自得逍遙意真成汗漫游羅浮知亦好猶
憶在楊州

山中堊母爲朱邦肅賦

形影孤誰傍冰霜母獨操雲寒黃鵠遠風急白
楊號隧道泉何及升丘碣竝高北隣哀爾意康
伯在銓曹

道家山爲程無過賦

南岳懷真隱中林得避喧青山藏玉笈紫氣誰
玄言桃李蹊仍在蓬蒿道益尊天都鸞鶴近旦
暮過黃軒

賦得南海雙明月贈歐經季并呈楨伯

南海雙明月寒光夜夜浮自從還合浦因得報
隋侯萬乘猶輕遇連城未易酬知君玕重意好
向漢宮投

題粲霞樓

朱陵有真氣攬結遂成樓滄海浮天盡丹霞抱

日流壺中探道術方外采真游不是安期輩
茫茫未易求

題王芝田卷

豈無平子賦不種邵平瓜秀自銅池出歌兼寶
鼎誇氣蒸滄海日色映幔亭霞試看蘭將玉同
時滿謝家

董體仁送余至固節旗亭飲別賦此貽之
自古銷魂地經過復此亭布衣交自重尊酒眼
偏青柳色春堪惜驪歌老倦聽因君懷舊侶落

落款宸星

過郝封君故園二首

藜杖登臨地軒車故所經瓊花分別觀王樹滿
中庭臘釀杯浮雪春筵客聚星山人獨不見桂
樹自青青

睽此八公里重停萬里槎山連隱士桂園接故
侯瓜別後江濤冷尊前海日斜殘紅浮暗水疑
是武陵花

同歐楨伯黎惟敬送門人郭建初南還賦

待對薊門城天涯計吏情洛陽推賣詎北海重
王生構思三都就傳經六館傾倚閭歸思切不
少和歌聲

夏日柬貞吉宗侯

清世佳公子翛然冰玉姿小山叢桂樹明月美
蓉池懶上通親表長吟招隱詩偉長慚自許良
會憶南皮

對酒懷貞吉

不淺夷門顧何如鄴下游投詩來琬琰對酒憶
風流蓋滿飛明月鈎寒射斗牛高齋一榻在端
爲此淹留

問李德華疾二首

茂陵予尚病藥累爾何如自與千秋契誰能一
日踈掩關深碧草罷酒過紅蕖漫擬放生發因
之問起居

誰言塵世病也到謫仙人好賦翻憎命耽書或
損神據梧應自嘯下榻更誰親安得翩然起狂
呼醉十旬

除夕

隱几當除夕聞鍾悟息機
草玄雙彩筆垂白幾
斑衣丘壑心難改風塵事總非
何如一杯酒歲歲奉慈闈

天目先生集卷之五

